

# Kalaallit Nunaanni Namminersornerullutik Oqartussani kommuninilu tjenestemandit pillugu Inatsisartut inatsisaat

## Kapitali 1

*Inatsisip atuuffii*

**§ 1.** Inatsisartut inatsisaat manna kikkunnuluuniit Kalaallit Nunaanni Namminersornerullutik Oqartussani kommuniniluunniit tjenestemanditut atorfinitssinnejarsimallutik sulisorineqartunut kiisalu inunnut § 35, imm. 3 tunngavigalugu atorfinitssinnejarsimasunut atuuppoq, taamaattorli tak. imm. 2.  
*Imm. 2.* Inatsisartut inatsisaat manna Inatsisartut suliffeqarfini atorfefeqartitaasunut atuutinngilaq.

## Kapitali 2

*Atorfinnik amerlassusiliineq qaffassisusiliinerlu*

**§ 2.** Namminersornerullutik Oqartussani tjenestemanditut atorfhit qassiussusissaannik aalajangersaaneq atorfhit qassiussusissaannik najuqqutassiamut ilanngunneqassaaq. Kommunini tjenestemanditut atorfhit qassiussusissaannik aalajangersaaneq kommunimi atorfhit qassiussusissaannik najoqqutassiaq aqutigalugu pissaaq.

*Imm. 2.* Tjenestemanditut atorfhit qaffassisusilorsorneqarnerat kapitali 12-imni malittarisassat malillugit pissaaq.

## Kapitali 3

*Atorfinitssitsisarneq*

**§ 3.** Tjenestemanditut atorfinitssitsineq ukunatut ilusilerlugu pisarpoq:

- 1) Misiligummik atorfinitssitsineq, kingusinnerusukkut ataavartumik atorfinitssinissaq siunertaralugu.
- 2) Ataavartumik atorfinitssitsineq.
- 3) Ukiuni killilinni atorfinitssitsineq.

**§ 4.** Namminersornerullutik Oqartussani tjenestemandit Naalakkersuisunit ivertinneqartassapput. Kommunini tjenestemandit kommunalbestyrelsinit ivertinneqartassapput.

**§ 5.** Tjenestemanditut atorfinitssitsinermi pineqartup ukiuni, peqqissutsi ilinniakkanilu naapertorlugit atorfimmi pineqartumi suliassaminik ingerlatsinissaq sapinngikkaa tunngavigineqartarpooq. Ukiutigut,

peqqissutsikkut ilinniagaqarsimanikkullu piumasaqaatit inatsisini allani inatsilluunniit manna tunngavigalugu malittarisassani aalajangersarneqarsimatinngagit malittarisassat piumasaqaatinik taamaattunik imaqtut Naalakkersuisunit aalajangersarneqarsinnaapput.

**§ 6.** Tjenestemandit atorfinititsineq tamanut ammasumik allagarsiinerup kingorna pisassaaq, pineqartoq misilgummik atorfinitinsinneqareernermi kingorna atorfinitinsinneqassangippat.

*Imm. 2.* Allagarsiussami atorfinititsivissaq atorfiullu taaguutaa kiisalu najukkami suliffiusumi massakkut atuuttumi akissaateqarfimmi atuuttumi sumiinnerat nalunaarneqassapput.

*Imm. 3.* Qinnuteqarnissamut piffissaritaasoq sivikinnerpaamik sapaatit akunnerinik pingasunik sivisussuseqassaaq, pissutsit immikkorluinnaq ittut atuutinngippata.

*Imm. 4.* Allagarsiinermi periaaseq pillugu malittarisassat erseqqinnerusut Naalakkersuisut aalajangersarsinnaavaat, aamma Aningaasarsiaqartitsineq pillugu Siunnersuisoqatigiit oqaaseqaateqartereerlugit imm. 1-im aamma 2-mi malittarisassanik sanequtsisinnaanerit aalajangersarsinnaallugit.

**§ 7.** Qinnuteqaateqarnissamut piffissaritaasoq naappat qinnuteqartut kattuffillu, ilaasortaat atorfimmum qinnuteqartussatut pisussissamisoortut, piumasaqarnerisigut qinnuteqartut tamarmik aqqi pillugit paasissutissanik allattuiffik kiisalu inuit ataasiakkaat pillugit paasissutissanik ilaqtinnejqarsinnaasoq, qinnuteqartut kikkuussusersinissaannut pisariaqartoq tunniunneqassaaq.

*Imm. 2.* Paasissutissat imm. 1 malillugu tunniunneqartut qinnuteqartut tamaasa akuersisereerlugit tamanut ammasumik issuarneqarsinnaapput.

*Imm. 3.* Qinnuteqartut tamakkerlutik atorfinititsisarnermi oqartussaasumut tamanut ammasumik issuaasinnaaneq akuersissutigisimanngippassuk, qinnuteqartut aqqinik allattuiffimmit, taassumaluunniit ilaanik, tamanut ammasunik issuaasinnaaneq pissanngilaq. Tamatuminnga unioqqutitsineq akiliisitsinermik kinguneqassaaq. Sulinermut kattuffimmit unioqqutitsisoqarpat, sulinermut kattuffik taamaattutut akiliisitaanermut akisussaatinnejqarsinnaavoq.

**§ 8.** Atorfimmum inuttassarsiuullugu allagarsiissutigineqarsimasumut piffissaagallartillugu qinnuteqartut arlaannaalluunniit atorfimmum naammattumik piukkunaaateqanngitsoq atorfinititsinermi oqartussaasooq naliliippat, imaluunniit nutaamik allagarseeqqinnikkut qinnuteqartunik piukkunaaateqarnerusunik pissarsisoqarsinnaappat atorfik inuttassarsiuullugu allagarsiuteqqinnejqassaaq.

**§ 9.** Ataavartumik atorfinititsisineq siulleq misilgummik atorfeqartitsereernikkut pissaaq.

*Imm. 2.* Naalakkersuisut Aningaasarsiaqartitsineq pillugu Siunnersuisoqatigiinnik oqaaseqaateqartitsereerlutik imm. 1-im malittarisassap sanequnneqarsinnaanera pillugu malittarisassanik aalajangersaasinnaapput.

*Imm. 3.* Misilgummik atorfinititsisineq pillugu malittarisassat Naalakkersuisut aalajangersarsinnaavaat, matumani ilinniagaqarsimaneq tamatumalu qanoq inerneqarsimancerata paasineqarnissaa ilanngullugit eqqarsaatigalugit.

**§ 10.** Tjenestemandi atorfimmum inuttaqanngitsumut qinnuteqarpat tjenestemandip pisortarisaa tjenestemandip qinnuteqarneratigut tjenestemandi pillugu allakkatigut naliliilluni oqaaseqaateqassaaq.

**§ 11.** Atorfinititsinermi allakkiaq atorfiup taaguutaanik atorfiusumillu ilaqaqtinneqartoq tjenestemandimut tunniunneqassaaq.

*Imm. 2.* Tamatumunnga peqatigitillugu atorfiup qanoq massakkut qaffasisusilerneqarsimanera tjenestemandillu sumi sulinerminik ingerlatsigallarnissa tjenestemandimut nalunarutigineqassapput.

*Imm. 3.* Kinaluunniit tjenestemanditut atorfinni arlalinni ataatsikkut inatsisartut inatsisaat manna malillugu ataavartumik atorfinititsitaasinnaangilaq.

*Imm. 4.* Inatsisartut inatsisaat manna malillugu tjenestemanditut atorfimmi kiisalu inatsit, ileqqoreqqusaq taakkuluunniit assigisaat malillugit atorfimmi ataasiusumi ataatsikkut atorfinititsisoqartillugu soraarnerussutisiat tjenestemandip soraarningornerata nalaani soraarnerussutisiat pillugit inatsit, ileqqoreqqusaq taakkuluunniit assigisaat atorfimmut tjenestemandip atorfisiaanut atuuttoq malillugu tunniunneqartassapput.

#### Kapitali 4

##### *Tjenestemandip pisussaaffi*

**§ 12.** Malittarisassat atorfimmut atuuttut tjenestemandip peqqusersuilluni malissavai, kiisalu atorfimmut naapertuttuumik ataqqinassuseqarnissamik tatigineqarnissamillu piumasaqataasunik eqortitsisinnaanini sulinermini sulinermilu avataani takutissallugit.

*Imm. 2.* Pissutsit tjenestemandip suliffini aqqutigalugu ilisimalikkani, pissutsimikkullu isertuuttariaqartut, tjenestemandip nipangiusimassavai. Nipangiussisussaatitaaneq tjenestemandip atorfimmit tunuarneratigut atorunnaarneq ajorpoq.

**§ 13.** Tjenestemandinut atorfefarfik inatsit manna tunngavigalugu atorfinititsiviusoq sumiinneq eqqarsaatigalugu Kalaallit Nunaanni tjenestemandit atorfiiinut aalajangersarneqarpoq.

**§ 14.** Tjenestemandi atorfimmi nammineq atorfimmi taamaaqataani atorfimmiluunniit qutsinnerusumi suligallarsinnaanissaminut pisussaaffeqarpoq.

**§ 15.** Tjenestemandi suliami annertussusiisigut suussusiisigullu allanngortiterivigineqarnerminik, sulinerup pisussaanik allanngortitsinngitsunik, atorfullu tjenestemandimut tulluanngitsutut isigineqarsinnaajunnaarneranik kinguneqanngitsunik akuerinninnissaminut pisussaaffeqarpoq.

*Imm. 2.* Ingerlatsiviup aaqqissuussaanerata suleriaasiataluunniit tamanna pisariaqalersippagu kattuffissuaq pineqartoq isumaqtigiliissuteqarfigereerlugu tjenestemandi peqquneqarsinnaavoq atorfik manna tikillugu atorfinititsiviusup avataaniittooq tigussagaa.

*Imm. 3.* Tjenestemandi 60-it inorlugit ukiulik peqqilliornini pissutigalugu atorfimmini sulianik isumaginninnissaminut naleqqukkunnaarpal, atorfik tjenestemandimut tassunga naleqquttutut isigineqartariaqartoq tigoqqullugu tjenestemandi peqquneqarsinnaavoq.

**§ 16.** Sulinermi pisussaaffit naammassiniarneqarnerat eqqarsaatigalugu sulisunut inissiamik atorfimmut atatitsinissaq naliliinikkut pisariaqartutut isigineqarpat tjenestemandip atorfini atorfifigallartillugu taanna najugaqarfigissallugu pisussaaffeqarpoq, tamatumalu kingorna taanna aamma qimattussaallugu,

taamaattorli tak. § 33, imm. 1-imi oqaaseqatigiit kingulliit.

*Imm. 2. Sulisunut inissiat pisatsorsorneqarneri, aserfallatsaalineqarneri atorneqarnerilu kiisalu inissiat taamattut iserterfigineqartarneri qimanneqartarnerilu il.il. pillugit aalajangersakkat*

*Aningaasarsiaqartitsineq pillugu Siunnersuisoqatigiit oqaaseqaateqartereerlugit Naalakkersuisunit aalajangersarneqartassapput. Taamaattorli tjenestemandip sulisunut inissiamik atuinermut akiliutai kapitali 12-imi malittarisassat malillugit aalajangersarneqartassapput.*

*Imm. 3. Imm. 1-imi pisut taaneqartut saniatigut inissianik qanoq annertutigisumik innersuussisoqartarnissa kapitali 12-imi malittarisassat malillugit aalajangersarneqassaaq.*

*Tjenestemandi atorfimmi tassani atorfegarnermi nalaani inissiamik taamaattumik najugaqarsinnaatitaavoq, tamatumalu kingorna inissiap qimannissa pisussaaffigalugu, taamaattorli tak. § 33, imm. 1-imi oqaaseqatigiit kingulliit.*

**§ 17. Tjenestemandi qinikkatut pisortanilluunniit toqqakkatut suliaminik qinnuteqarnermigut**  
Naalakkersuisunit ingerlatsiunnaarsinneqarsinnaavoq, tamanna atorfinititsinermi oqartussaasup suliat illersorneqarsinnaasumik suliarineqarnissaat eqqarsaatigalugu pisariaqartutut isigippagu. Tjenestemandip qinnuteqaateqarnera tunngavigalugu atorfinititsinermi oqartussaasup Naalakkersuisut qinnuigissavai aalajangeeqqullugit.

*Imm. 2. Tjenestemandip qinikkatut pisortanilluunniit toqqakkatut suliaminik ingerlatsinerata kingunerisaanik tjenestemandip peqannginnerani taassuma suliassaasa suliarineqarnerannut aningaasartuutit qanoq annertutigisumik atorfinititsinermi oqartussaasumit akilerneqartarnissaat pillugu malittarisassat Naalakkersuisut aalajangersarsinnaavaat.*

**§ 18. Tjenestemandi tjenestemanditut atorfimmi saniatigut taamaallaat suliffeqarsinnaavoq tamanna pisussaaffit atorfimmuit atasut suliarineqarnerannut akornutaangitsumik atatinneqarsinnaappat, atoriullu pisariaqarneratut ataqqineqarnissaanut tatigineqarnissaanullu naapertuuppat.**

**§ 19. Tjenestemandi tjenestemanditut atorfini malillugu pisussaaffimminik isumaginninnini kiisalu suliani tjenestemanditut atorfip ilaautut isigisariaqartut pillugit taamaallaat akissariaqarsinnaavoq allanillu aningaasarsisinaalluni §§-it 47-mit 49-mut imaluunniit § 56 tunngavigalugit aalajangersarneqarsimasunik.**

## Kapitali 5

*Suliunnaarsitaagallarneq naalasseriillornerlu pissutigalugu suliassanngortitsisarneq*

**§ 20. Tjenestemandi pissutsit atorfip ingerlanneqarnerani tatigineqarnissamut assortuuttuusut pillugit tunngavissaqartumik pasineqarpat, imaluunniit tjenestemandip atorfimmini ingerlaannarnissa eqqarsarnartoqarpat, tjenestemandi suliunnaarsitaagallarsinnaavoq suliamulluunniit allamut nuutsikkallarneqarsinnaalluni.**

*Imm. 2. Pissutsit imm. 1-imi atuuttut pinerluttulerinermik inatsit tunngavigalugu misissuiffigineqanngitsut attuuppata naalasseriillornerneq pissutigalugu misissuisarneq pillugu §§-ni 21-mit 27-mut malittarisassat atorneqassapput.*

*Imm. 3. Naalakkersuisut suliunnaarsitsigallarnerup aallartinneqarnera unitsinnejnareralu pillugit malittarissanik erseqqinnerusunik aalajangersaasinnaapput.*

**§ 21.** Tjenestemandi atorfegarnini pissutigalugu atorfimmini unioqqutitsinerit pissutsilluunniit pinerluttulerineq pillugu inatsit tunngavigalugu pineqaatissiussutaasinnaasut pillugit nalunaarutigineqartoq suliami pisimasorpiaat pillugit saqqummiussamik tunineqassaaq, saqqummiussarlu pillugu allakkatigut oqaaseqaatiminik tunniussinissaminut periarfissaqartinneqassalluni. Tjenestemandi tamatumunnga peqatigitillugu ilisimatinneqassaaq saqqummiussap oqaaseqaateqarfinginissaanut pisussaaffiligaanngitsoq.

*Imm. 2. Tjenestemandi sulinerminut atatillugu unioqqutitsinermigut naalasseriiiliorneq pissutigalugu misissuiffigineqalerpat atorfinititsinermi oqartussaasup Kalaallit Nunaanni Eqqartuussisuuneq killisiuinerterik ingerlatsisussamik toqqaqqullugu qinnuigissavaa. Suliap qanoq ittuussusia tunngavigalugu Kalaallit Nunaanni Eqqartuussisuunerup naliliinermigut tamanna pisariaqartutut isiguniuk Kalaallit Nunaata avataani eqqartuussivit ilaata siulittaasua killisiuinerterik ingerlatsisussamik toqqaqqullugu qinnuigisinnavaa.*

**§ 22.** Tjenestemandi illersuisoqarluni oqalutseqarlunilu ornigunnissaminut pisinnaatitaavoq, killisiuinerterik aggeqquneqarnermini tamatuminnga ilisimatinneqassalluni.

*Imm. 2. Kattuffiup tjenestemandip ilaasortaaffigisaata sinniisaa, atorfinititsinermut oqartussaasumi suliffeqarfimmiluunniit sulisorineqartoq alla imaluunniit eqqartuussissuserisoq illersuisutut atorneqarsinnaavoq.*

*Imm. 3. Tjenestemandi oqaassisami allallugit tunniunnissaannut pisinnaatitaavoq, aamma killisiuinerter naammassereernerisigut.*

**§ 23.** Ilisimannittunik sassarttsisoqarnissaa uppernarsaatinillu allanik pissarsisoqarnissaa killisiuinerterik ingerlatsisup aalajangissavaa.

*Imm. 2. Atorfegartitaasoq kinaluunniit killisiuinernut orniguttussaatitaavoq nassuaateqartussaatitaallunilu. Ilisimannittutut eqqunngitsumik nassuaateqartoq pinerluttulerineq pillugu inatsimmi § 85 tunngavigalugu eqqartuussutikkut pineqaatissinnejqarsinnaavoq. Ilisimannittusoq ornigutinngitsoorpat imaluunniit nassuaateqarumanani pinaaserpat killisiuinerteri pisortap ilisimannittusoq taanna najukkami killisiuinerterik ingerlatsiviusumi pineqartulluunniit najugarisaani eqqartuussivimmut killisiortissinnaavaa.*

*Imm. 3. Suliaq naammassillugu suliarineqareerpat killisiuinerterik ingerlatsisoq nalunaarummik tunniussissaq. Atorfinititsinermi oqartussaasup imaluunniit kattuffissuup tamanna kissaatigippagu killisiuinerterik ingerlatsisoq suliap qanoq aalajangiivigineqarnissaa pillugu inassuteqaateqassaaq.*

**§ 24.** Tjenestemandimik killisiuinerter eqqartuussinerillu suliap suliarineqarnerani ingerlanneqartut tamanut ammasuunngillat. Taamaattorli suliap suliarineqarnera tamanit najuuffigineqarsinnaassasoq atorfinititsinermi oqartussaasup aalajangersinnaavaa, tamanna tjenestemandip kattuffissuullu qinnutigippassuk.

*Imm. 2. Killisiuinerni eqqartuussinernilu tamanut ammasuunngitsuni pisimasunik tamanut ammasumik issuaasoq akiliisussanngortillugu eqqartuunneqassaaq.*

*Imm. 3. Imm. 2-mi aalajangersakkami suliap suliarineqarnerani killisiuinerni eqqartuussinernilu paasissutissat oqaasiinnartigut allakkatigullu saqqummertut ilaatinneqarput.*

**§ 25.** Suliap suliffimmut atorfimmulluunniit allamut nuutsinsinermik, atorfimmi appartitaanermik, imaluunniit soraarsitsinermik inerneqarnissa naatsorsuutigineqarpat kattuffissuaq suliap qanoq inisisimaneranik nalunaarfingineqassaaq, taamaaliornikkut taanna suliap aalajangiivigineqannginnerani suliqaq pillugu oqaaseqaateqarnissaminut periarfissaqartillugu.

*Imm. 2. Kattuffissuaq qinnuteqarnermigut paasissutissat atorfeqarnermik misissuinikkut pissarsiarineqartut tunngavigalugit aalajangiineq pillugu ilisimatinneqartussaavoq.*

*Imm. 3. Tjenestemandi pissutsit pinerluttulerineq pillugu inatsit tunngavigalugu pineqaatissiuttaasinnaasut pillugit pasineqarpat suliap pinerluttuliornertut suliarineqarnissa tjenestemandip piumasarisinnaavaa. Pinerluttuliornertut suliap inaarlugu suliarineqarnerata kingorna tjenestemandip atorfeqarnermi killisiuiffigineqarnissaanut periarfissaqarpooq.*

*Imm. 4. Tjenestemandip atorfeqarnerminik killisiorneqaqqaarnani atorfimmini naalasseriitsuliortutut pillaatasisup, tak. § 27, atorfeqarnermi misissuiffingineqarnissa piumasarisinnaavaa. Piumasarineqartorli taanna aatsaat akuerineqartussaavoq kattuffissuarmit ilalerneqarpat.*

**§ 26.** Misissuineq atorfimmi naalasseriilliorneq pissutigalugu pillaanertaqanngitsumik inerneqarpat tjenestemandi illersuisumut oqalutsimullu aningaasartuutiminik taarsiivigineqassaaq. Pisuni allani illersuisumut oqalutsimullu aningaasartuutit tamakkiisumik ilaannakortumilluunniit taarsiissutigineqassanersut atorfinitssinermi oqartussaasup suliap qanoq inerneqarnera pissutsillu allat isiginiarlugit aalajangissavaa.

*Imm. 2. Imm. 1 malillugu taarsiissutit pissutsinut naapertuuttunik aningaasartalerlugit tunniunneqassapput, kisianni aatsaat tjenestemandip illersuisumut aningaasartuuteqarsimanera naapertuuttutut isigineqarpat. Killisiuinermin ingerlatsisoq qinnuigineqarluni tamanna pillugu oqaaseqaateqassaaq.*

*Imm. 3. Tjenestemandi atorfimmi naalasseriilliorneq pissutigalugu suliamti uppernarsaatnik nammineerluni pissarsiniarsimappat tamatumunnga aningaasartuutai tamakkiisumik ilaannakortumilluunniit taarsiissutigineqassapput, tjenestemandi uppernarsaatnik pissarsiniarnissamut pissutissaqarluarsimasutut isigineqarpat. Killisiuinermin ingerlatsisoq qinnuigineqarluni tamanna pillugu oqaaseqaateqassaaq.*

**§ 27.** Atorfimmut tunngasumik unioqqutitsinermut pillaatitut mianersoqqussut imaluunniit assuarinninneq, akiliisitsineq, taamaattorli qaammamusiat affaannit amerlanerusinnaanngitsunik, suliamut allamut, suliffimmut allamut atorfimmulluunniit allamut nuutsitsineq, atorfimmi appartitsineq soraarsitsinerluunniit atorneqarsinnaapput.

*Imm. 2. Allakkatigut tamakkiisumik nassuerutiginninneq, pissutsini pasilliutigineqartuni pisimasuinnik tjenestemandip nassuerutiginninneranik kiisalu suliamut tunngasumik unioqqutisisimanermi pisuussutut tjenestemandip nassuerutiginninneranik imalik tiguneqarpat akiliisitsineq imaluunniit suliamut allamut nuutsitsineq atorneqarsinnaavoq, §§-ni 21-mit 26-mut aalajangersakkat tunngavigalugit killisiusoqanngikkaluartoq.*

*Imm. 3. Mianersoqqusineq, assuarinninneq imaluunniit qaammamusiat 1/25-ii ataallugit akiliisitsineq*

atorneqarsinnaavoq, allakkatigut nassuertoqanngikkaluartoq killisiuisoqanngikkaluartorluunniit.

*Imm. 4. Suliamut tunngatillugu unioqqutitsinernut pillaatitut suliffimmut atorfimmulluunniit allamut nuutsitsineq, suliami appartitaaneq, atorfimmut tunngasumik killisiuisoqareersimappat aatsaat atorneqarsinnaapput, unioqqutitsineq eqqartuussutikkut aalajangiivigineqarsimannngippat.*

*Imm. 5. Akiliisitsissutissanngortinnejartut akissarsianit unerartinneqarsinnaapput.*

## Kapitali 6

### Soraarsitsisarneq

**§ 28.** Tjenestemandit atorfinititsisartutut oqartussaasunit § 4-mi taaneqartunit soraarsinneqartarput.

**§ 29.** Tjenestemandit qaammatinik pingasunik piffissaliillutik qaammatip naaneranut soraarsinneqarnissaminnik piumasaqarsinnaapput, taamaattorli tak. § 34.

**§ 30.** Tjenestemandit qaammatinik pingasunik piffissaqartitaallutik qaammatip naaneranut qinnuteqaataanngitsumik soraarsinneqarsinnaapput. Taamaattorli soraarsitsineq sivikinnerusumik piffissaqartitsilluni pisinnaavoq, tamanna tjenestemandip pissutsit pinerluttulerineq pillugu inatsit tunngavigalugu pineqaatissiissutigineqarsinnaasut, atorfimmut tunngatillugu unioqqutitsineq imaluunniit atorfimmik paarsinerlunneq pissutigalugit atorfimminiiginnarnissaanut naleqqutinngineranik tunngavilersorneqarpat.

*Imm. 2. Tjenestemandit ukiuni killiligaasuni atorfeqartitaasut § 30, imm. 1-im aamma § 31-mit maleruagassat malillugit qinnuteqaatitaqanngitsumik soraarsinneqarsinnaapput. Taamatuttaaq ukiut killiligaasut naappata atorfeqartitsineq atorunnaassaaq.*

**§ 31.** Tjenestemandit qaammatip 65-inik ukioqalerfimmik naanerani imaluunniit 60-it qaa-ngerlugit ukioqalernermi kapitali 12-im malittarisassat malillugit aalajangersagaasumik soraarsinneqarsinnaapput.

**§ 32.** Tjenestemandip qinnuteqaataanngitsumik soraarsinneqannginnerani, pisut § 31-mi taaneqartut ilanngunnagit, kattuffissuaq tjenestemandilu nammineq oqaaseqaateqarnissaminnut periarfissaqartinneqassapput, §§-ni 21-mit 25-mut aalajangersakkat malillugit killisiuisoqarsimannngippat.

*Imm. 2. Qinnuteqaataanngitsumik soraarsitsinerit suullunniit sioqqullugit, pisut § 31-mi taaneqartut ilanngunnagit, soraarnerussutisiaqartitsineq pillugu oqartussaasoq tjenestemandip soraarnerussutisiaqarumalluni piumasaqaataa pillugu oqaaseqaateqartinneqartassaaq. Tamanna qinnuteqaataasumik soraarsitsinermi aamma atuuppoq, soraarnissamik qinnuteqaat peqqiilliorermik pissuteqarpat.*

**§ 33.** Ingerlatsiviup aaqqissuussaanerani suleriaasianiluunniit allannguutit kingunerisaannik atorfiup atorunnaarsinneqarnera pissutigalugu tjenestemandi soraarsinneqarpat, tjenestemandillu suliffimmut allamut tjenestemandip § 15 malillugu tigussallugu pisussaaffigisaanik innersuussinissamut periarfissaqanngippat, tjenestemandip tamanna tikillugu akissarsiani ukiuni pingasuni pigiinnassavai, taamaattorli atorfimmut atatillugu ukioq soraarfissatut aalajangersarneqarsimasoq qaangernagu.

Piffissami tassani tjenestemandi § 15-im malittarisassani pineqartunut ilaatinneqarpoq. Piffissami tassani

tjenestemandip sulisunut inissiami ineqarsinnaatitaanini aamma pigiinnassavaa.

*Imm. 2. Pineqartoq tjenestemandit soraarnerussutisiaqartitaanerat pillugu inatsimmi § 3 malillugu soraarnerussutisiaqarnissamik ukiunik naatsorsuinermi ilaatinneqartutut tjenestemanditut atorfinitssinneqarpat § 1 malillugu suliartoqquneqariataarsinnaanermut akissarsiat atorunnaassapput. Tamanna utaqqinermi aningaaasarsianut, tjenestemandit pillugit inatsit 9. juni 1971 sioqqullugu atuuttoq tunngavigalugu tjenestemandimut pisassangortinnejarsimmasinnaasunut aamma atuuppoq.*

*Imm. 3. Ukiuni killiligaasuni atorfeqartitaanermi suliartoqquneqariataarsinnaanermi akissarsiat sivisunerpaamik ukiut killigaasut naanissaasa tungaanut tunniunneqartassapput.*

## Kapitali 7

*Misiligummik atorfeqartitaasut pillugit aalajangersakkat immikkut ittut*

**§ 34.** Tjenestemandi misiligummik atorfeqartitaasoq misiligummik atorfeqartitaanermi qaammatini arfinilinni siullerni ullunik 14-inik piffissaqartitsilluni soraarsitaanissani, misiligummillu atorfeqartitaanerup sinnerani qaammammik ataatsimik piffissaqartitaalluni soraarsitaanissani qinnutigisinnaavaa, pisuni marlunni tamani qaammatip naaneranut.

*Imm. 2. Misiligummik atorfeqartitaanermi qaammatini arfinilinni siullerni tjenestemandit taamaattut qinnuteqaataanngitsumik ullunik 14-inik piffissaqartitsilluni qaammatip naaneranut soraarsinneqarsinnaapput.*

*Imm. 3. § 32, imm. 3-mi kiisalu § 33-mi aalajangersakkat tjenestemandinut misiligummik atorfeqartitaasunut atuutinngillat, taamaattorli tjenestemandit soraarnerussutisiaqartitaanerat pillugu inatsimmi kapitalit 1 amma 5 malillugit soraarnerussutisiaqarsinnaatitaaneq pillugu apeqqutit saqqummerpata soraarnerussutisiaqartitsinissaq pillugu oqartussaasoq oqaaseqaateqartinnejassaaq, tak. § 32, imm. 3.*

## Kapitali 8

*Ukiuni killilinni atorfinitssisarneq pillugu aalajangersakkat immikkut ittut*

**§ 35.** Ukiuni killilinni inunnik tjenestemanditut atorfeqareersunik allanillu atorfinitssisoqarsinnaassaaq.

*Imm. 2. Kapitalimi matumani malittarisassat malillugit inunnik ukuninnga ukiuni killilinni tjenestemanditut atorfinitssisoqartarpooq:*

- 1) tjenestemanditut atorfeqartitaareersunik, imaluunniit
- 2) tjenestemanditut atorfeqarnerminni soraarnerussutisiaqarsinnaatitaasunik imaluunniit soraarnerussutisiaqalersussanik.

*Imm. 3. Imm. 2-mi taaneqartunit allaasunik ukiuni killilinni atorfinitssineq atugassaarititaasunik inatsit manna malillugu aamma atuuttut assinginik atugassaqartitsilluni pisinnaavoq, taamaattorli tak. § 41, imm. 1.*

**§ 36.** Atorfitt sorliit ukiuni killilinni inuttalerneqarsinnaanerat atorfinitssinermi oqartussaasup aalajangissavaa, tak. § 4, Aningaaasarsiaqartitsineq pillugu Siunnersuisoqatigiit oqaaseqaateqartereerlugit.

**§ 37.** Ukiuni killilinni atorfinititsineq ukiunit pingasuniit arfinilinnut sivisussuseqartassaaq. Ukiuni killilinni atorfinititsineq sivisunerpaamik katillugit ukiut pingasut tikillugit sivitsorneqarsinnaavoq. Nutaamik allagarsiilluni inuttassarsueqqinnerup kingorna ukiuni killilinni atorfimmi atorfinitseqqittoqarsinnaavoq.

**§ 38.** Akissarsiat atorfinititsinermilu atugassarititaasut allat § 47-mi malittarisassat naapertorlugit aalajangersarneqartassapput.

**§ 39.** Tjenestemanditut ataavartumik atorfeqartitamik ukiuni killilinni atorfeqartitaanerup naanerata allamilluunniit tjenestemandimut tutsinneqarsinnaanngitsumik pissuteqarluni unitsinneqarnerata kingorna atorfineqqittumik inissiineq atugassarititaasut § 38-mi taaneqartutut isumaqtigiiissuteqarnikkut aalajangersarneqartut malillugit pisassaaq.

**§ 40.** Inunnut § 35, imm. 2-mi taaneqartunut soraarnerussutisialiussassat akissaateqarfik pineqartup soraarnerussutisiaqalermissani sioqqullugu ataavartumik atorfeqartitaanermi inissisimaffigisaa aallaavigalugu aalajangersarneqartassapput.

*Imm. 2. Soraarnerussutisiassat naatsorsorneqarneranni ukiuni killilinni atorfeqartitaasimaneq ukiunut soraarnerussutisiaqalermissamut tunngaviusunut ilangunneqartassaaq.*

*Imm. 3. Imm. 1 aamma 2 tunngavigalugit soraarnerussutisiassatut aalajangersarneqartunut tapiliisoqartassaaq, tapillu taakku ukiuni killilinni ukiut atorfefarfiusunut ataasiakkaanut tamanut ukiuni killilinni atorfimmi akissaateqarfimmi soraarnerussutisiassat qaffasinnerpaat 2,7 %-iattut aalajangersarneqartassallutik. Taamaattorli soraarnerussutisiat katinnerisa soraarnerussutisiassat atorfimmit ukiuni killilinni atoriup akissariatigut assigisaanit soraarnerussutisiassanit amerlanerusinnaanngillat.*

*Imm. 4. Imm. 3 malillugu soraarnerussutisiat tapii aningasani appaasup soraarnerusutiaqassaguni soraarnerussutisiassaatut naatsorsorneqartuni ilaatinneqassapput.*

**§ 41.** Tjenestemandinik soraarnerussutisiaqartitsineq pillugu inatsit inunnut § 35, imm. 3-mi pineqartunut ilaatinneqartunut atuutinngilaq, atorfinititsinermilu oqartussaasoq Aningaasarsiaqartitsineq pillugu Siunnersuisoqatigiit oqaaseqaateqartereerielugit pineqartup atorfeqartitaaneranut soraarnerussutisiaqartitsinermik allatut aaqqiissuussisoqarnissa aalajangissavaa.

*Imm. 2. Inuk § 35, imm. 2-mi taaneqartutut imm. 1-impi pineqartunut ilaatinneqalissasoq atorfinititsinermi oqartussaasup aalajangersinnaavaa, pissutsit aalajangersimasut immikkut ittut taamaaliornissaq periarfissaqartippassuk.*

*Imm. 3. Nammineq soraarnerussutisiat 60-inik ukioqalerneq sioqqullugu tunniunneqarnissaat soraarnerussutisiaqalersitsinissamut oqartussaasup akuerisinnaavaa, soraarnerussutisiaqarsinnaataasoq peqqilliinermigut inuussutissaarsiorsinnaajunnaarpas, imaluunniit pissutsit allat tamanna periarfissaqartippassuk.*

## Kapitali 9

*Kommunini tjenestemandit pillugit aalajangersakkat immikkut ittut*

**§ 42.** Kommunimi tjenestemandi kommunimi allami imaluunniit Namminersornerullutik Oqartussani suleqqullugu communalbestyrelsimit peqquneqarpat atorfik taanna tjenestemandimut aatsaat tigoqquneqarsinnaavoq kattuffissuaq pineqartoq tamanna pillugu isumaqatigiissuteqarfingineqareerpat. Tjenestemandip Namminersornerullutik Oqartussat ataanni atorfekartitaasup qinnuteqaataanngitsumik kommunimi atorfekartitaanermut nuutsinneqarnerani tamanna aamma atuuppoq.  
*Imm. 2.* Kommunit marluk akornanni imaluunniit kommunip Namminersornerullutillu Oqartussat akornanni qinnuteqaataanngitsumik nuutsisoqassappat atorfinititsinermi oqartussaasut taakku akornanni tamanna pillugu isumaqatigiittoqarnissa piumasaqaataavoq.

## Kapitali 10

*Meeqqat atuarfiat pillugu aalajangersakkat immikkut ittut*

**§ 43.** Meeqqat atuarfianni tjenestemandimik killisiuinermi kinaluunniit meeqqat atuarfianni imaluunniit kommunip ingerlatsiviani meeqqat atuarfiannut tunngassuteqartumi atorfekartitaasoq, suliatigut pisortaqarfimmi susasaqartumi atorfekartitaasut, communalbestyrelsimi communalbestyrelsillu ataani ataatsimiititaliami meeqqat atuarfiannut tunngassuteqartumi atuarfillu siulersuisuini ilaasortaaasut orniguteqquneqarunik nassuaateqaqquneqarunillu taamaaliornissaminut pisussaaffeqarput.

*Imm. 2.* Kinaluunniit § 43, imm. 1-imi pineqartoq killisiuinerni takkuttussaatitaavoq nassuaateqartussaatitaallunilu. Ilisimannittutut eqqunngitsunik nassuaasoq pinerluttulerinermi inatsimmi § 85 malillugu pineqaatissinneqarsinnaavoq. Ilisimannittoq takkutinngippat nassuaateqarumananiluunniit killisiuinermi pisortasup ilisimannitoq eqqartuussivimmi killisiuinert ingerlanneqarfingisaanni imaluunniit pineqartup najugaqarfiani killisorneqartissinnaavaa.

## Kapitali 11

*Ilagiinni tjenestemandit pilligit aalajangersakkat immikkut ittut*

**§ 44.** § 14-imi, § 15, imm. 1-imi aamma § 16, imm. 2-mi oqaaseqatigiinni siullerni aalajangersakkat ilagiinni tjenestemandinut atuutinngillat.

**§ 45.** Ilagiinni tjenestemandi nammineq atorfimmini sulinermut taarsiullugu imaluunniit nammineq atorfimmini sulinerminut atatillugu atorfimmi assigisaani imaluunniit nammineq atorfimminit qutsinnerusumi suligallaqquneqaruni taamaaliornissaminut pisussaaffeqarpoq.

*Imm. 2.* Palasi atorfimmut allamut ivertinneqartoq, mannalu tikillugu atorfingisemasaa inisisimanini pissutigalugu palaseqqarfimmi saniliusumi palasimit isumagineqarsinnaanngippat, atorfimmi tassaniiginnarallassaaq, atorfinititseqqissinnaalernerup tungaanut, taamaattorli sivisunerpaamik qaamatinti arfinilinni.

**§ 46.** Ilagiinni tjenestemandi suliami annertussusiisigut suussusiisigullu allanngortiterivigineqarnerminik, sulinerup pisussaanik allanngortitsinngitsunik, atorfiallu tjenestemandimut tulluanngitsutut isigineqarsinnaajunnaarneranik kinguneqanngitsunik akuerinninnissaminut pisussaaffeqarpoq.

## Kapitali 12

### Isumatigiinniartarnernut kattuffeqarnermullu tunngasut

**§ 47.** Akissarsiat atorfinititsinermilu atugassarititaasut allat Naalakkersuisut kattuffissuillu § 51-imi taaneqartut isumaqtigiissuteqarnerisigut aalajangersarneqartassapput.

*Imm. 2.* Taamaattorli pissutsit inatsisikkut imalunniit inatsit tungavigalugu aalajangersarneqartut, imaluunniit ingerlatsiviup suliassaanut, aaqqissuussaaneranut sulisunilluunniit pisariaqartitsinermut tunngasut imm. 1 malillugu isumaqtigiissutigineqarsinnaanngillat.

*Imm. 3.* Kommunini tjenestemandit akissarsiatigut, atugassaritaasutigut soraarnerussutisiaqartitaanikkullu atugassarisaat ataatsimut isignaligit aalajangersakkat, aalajangersakkat taamaattut inatsisikkut matumuuna inatsisikkulluunniit allakkut aalajangersarneqarsimangitsut, Naalakkersuisut aamma Kalaallit Nunaanni Kommunit Kattuffiata isumaqtigiissuteqarnerisut imaluunniit isumaqtigiissutaat malillugit aalajangersarneqartassapput.

**§ 48.** Akissarsiat atorfinititsinermilu atugassarititaasut allanngortinneqarnissaannut, matumani akissaasersuinermut najoqqutassiat sumiinnermullu tapisiat aaqqiissutissaat, tjenestemandit atorfisa akissarsiatigut inisisimanerisa allannguuttaat kiisalu tjenestemanditut atorfipu isumagineranut tunniunneqartartut allat allannguutaat ilanggullugit eqqarsaatigalugit, aningaasat tamarmiusut amerassusissaat isumaqtigiissutigineqarsinnaanngippat, tak. § 19, Naalakkersuisut inatsisissatut siunnersummik immikkut ittumik saqqummiussissapput.

*Imm. 2.* Aningaasat imm. 1-imi atorneqarnerat pillugu isumaqtigiissuteqartoqarsinnaanngippat Naalakkersuisut Aningaasarsiaqartitsineq pillugu Siunnersuisoqatigiit oqaaseqaateqartereerlugit inatsisissatut siunnersummik immikkut ittumik saqqummiussissapput.

**§ 49.** Pissutsit § 48-mi pineqartunut ilaatinneqanngitsut pillugit isumaqtigiissuteqartoqarsinnaanngippat Naalakkersuisut Aningaasarsiaqartitsineq pillugu Siunnersuisoqatigiit oqaaseqaateqartereerlugit aalajangiissapput.

**§ 50.** Atorfinititsinermi atugassarititaasut isumaqtigiissutigineqarsinnaanngitsut pillugit aalajangersakkat, kiisalu aalajangersakkat taamaattut allannguutaat pillugit aalajangersakkat kattuffissuit § 51-imi taaneqartut isumaqtigiinniuteqarfingeqareernerisigut Naalakkersuisunit aalajangersarneqartassapput.

*Imm. 2.* Kattuffissuit § 51-imi taaneqartut sulianut apeqquutit tjenestemandinut tunngasut tamaasa Naalakkersuisunut isumaqtigiinniutigisinnaavaat.

**§ 51.** Tjenestemandit, atorfillit minnerit soraarninngornerit tjenestemandillu soraarninngornerit isumaqtigiinniarsinnaatitaanerat kattuffissuit Kalaallit Nunaanni angerlarsimaffeqartut, Naalakkersuisullu Aningaasarsiaqartitsineq pillugu Siunnersuisoqatigiit oqaaseqaateqartereerlugit isumaqtigiissuteqarnermi periaatsits kiisalu isumaqtigiinniarsinnaatitaanerup atorneqartarnerani malittarisassat pillugit tungaviusumik isumaqtigiissuteqarfingisartagaat aqqutigalugit ingerlanneqartarpuit.

*Imm. 2.* Kattuffissuit pineqartut tamarmiullutik tjenestemandit, atorfillit minnerit soraarninngornerit

tjenestemandillu soraarningornerit tamaasa sinniisoqarnissaannut periarfissaqartissavaat.

*Imm. 3. Tunngaviusumik isumaqatigiisummi kattuffit kattuffissuarnut atasut apeqqutinik kattuffiup ilaasortaannaanut tunngasunik isumaqatigiinniuteqarnissaannut periarfissaq pillugu malittarisassamik aalajangersaasoqassaaq.*

## Kapitali 13

### *Aningaasarsiaqartitsineq pillugu Siunnersuisoqatigiit*

**§ 52.** Aningaasarsiaqartitsineq pillugu Siunnersuisoqatigiit ilaasortarissavaat siulittaasoq, siulittaasup tullia, ilaasortat marluk tulleriinneri malillugit Namminersornerullutik Oqartussat aamma Kalaallit Nunaanni Kommunit Kattuffianni aqutsisoqarfiup sinniisaat kiisalu ilaasortat sisamat kattuffissuit § 51-imiktaaneqartut sinniisaat, Naalakkersuisunit toqqagaasut. Kalaallit Nunaanni Kommunit Kattuffianni aqutsisoqarfiup sinniisai Kalaallit Nunaanni Kommunit Kattuffiata toqqagarai.

*Imm. 2. Kalaallit Nunaanni Inatsisartut akunnerminni ilaasortat tallimat qinissavai. Aammattaq Kalaallit Nunaanni Kommunit Kattuffiata siulersuisuini ilaasortat marluk imaluunniit kommunalbestyrelsimi ilaasortat marluk Kalaallit Nunaanni Kommunit Kattuffiata inassuteqaateqarneratigut Naalakkersuisut toqassavaat.*

*Imm. 3. Ilaasortat imm. 1-imiktaaneqartut sinniisissaat toqqarneqassapput qinerneqassallutilluunniit.*

*Imm. 4. Siulittaasoq, siulittaasup tullia, ilaasortat taakkulu sinniisissaat ukiut sisamakkaarlugit toqqarneqartassapput qinerneqartassallutilluunniit. Taamaattorli ilaasortat Inatsisartunit qinigaasut Inatsisartunut qinersivik malitaraat, taamaattorli ilaasortat taakku siinniisissaallu Inatsisartunit tunuarunik aamma tunuassallutik. Kattuffissuit siinniisaat ilaasortallu Kalaallit Nunaanni Kommunit Kattuffiata inassuteqaateqarneratigut toqqagaasut tunuartassapput inassuteqaat nutaaq saqqummiuneqaraangat.*

*Imm. 5. Siunnersuisoqatigiit nalinginnaasumik amerlanerussuteqarnikkut aalajangiisassapput. Taamaattorli siulittaasup tullia siulittaasup peqannginnerani taamaallaat taaseqataasinnaavoq.*

**§ 53.** Aningaasarsiaqartitsineq pillugu Siunnersuisoqatigiinnut atatillugu ulluinnarni ingerlatsisutut ataatsimiititaliaq Aningaasarsiaqartitsineq pillugu Siunnersuisoqatigiinni ilaasortanik inuttaqartoq pilersinneqassaaq.

*Imm. 2. Ulluinnarni ingerlatsisutut ataatsimiititaliamit ilaasortaapput tjenestemandit kattuffissuisa sinniisaat marluk, Kalaallit Nunaanni Inatsisartut sinniisaat ataaseq, Kalaallit Nunaanni Kommunit Kattuffianni aqutsisoqarfiup sinniisaa ataaseq kiisalu Aningaasarsiaqartitsineq pillugu Siunnersuisoqatigiit siulittaasuat, ulluinnarni ingerlatsisutut ataatsimiititaliap siulittaasorisa.*

*Imm. 3. Ulluinnarni ingerlatsisutut ataatsimiititaliap piginnaatitaanera pillugu aalajangersakkat erseqqinnerusut Aningaasarsiaqartitsineq pillugu Siunnersuisoqatigiinnit aalajangersarneqartassapput.*

**§ 54.** Apeqqutini suniluunniit inatsisartut inatsisaat manna aqqutigalugu saqqummertuni Aningaasarsiaqartitsineq pillugu Siunnersuisoqatigiit oqaaseqaateqaqqullugit Naalakkersuisunit qinnuigineqarsinnaapput.

*Imm. 2. Apeqqutini Naalakkersuisut isumaqatigiinniuteqarfingineqarnerisigut*

aaqqinnejarsinnaasimannngitsuni Aningasarsiaqartitsineq pillugu Siunnersuisoqatigiit oqaaseqaateqartinneqarnissaat kattuffiussuit § 51-imni taaneqartut piumasarisinnaavaat.  
*Imm. 3.* Suliat tjenestemandit pillugit eqqartuussiviup suliassaanut ilaasut Aningasarsiaqartitsineq pillugu Siunnersuisoqatigiinnut saqqummiunneqarsinnaanngillat.

## Kapitali 14

*Soraarnerussutisiat*

**§ 55.** Tjenestemandit naalagaaffiup Kalaallit Nunaanni tjenestemandiisa soraarnerussutisiaqartitaanerat pillugu malittarisassat sukkulluunniit atuuttut malillugit soraarnerussutisiaqartinneqassapput.  
*Imm. 2.* Naalakkersuisut naalagaaffik isumaqatigiissuteqarfingisinnavaat, taannalu malillugu tjenestemandit inatsit manna aamma tjenestemandit Inatsisartut suliffeqarfitaanni atorfeqartitaasut pillugit Inatsisartut inatsisaat tunngavigalugut atorfinititsaasut soraarnerussutisiassaat naatsorsortassallugit tunniuttassallugillu.

## Kapitali 15

*Inummut tapit*

**§ 56.** Tjenestemandi § 15-imni malittarisassat tunngavigalugit imaluunniit pisoq tjenestemandimut tutsinnejarsinnaanngitsoq pissutigalugu atorfimmumt akissaateqarfimmim manna tikillugu inisisimaffiusumit appasinnerusumi inisisimasumut nuuppat tjenestemandi inummut tapisiaqartinneqalissaq, assigiinngissutaasut matusissutissaannik.  
*Imm. 2. Imm. 1* malillugu tapiliussat taakku akissaateqarfimmumt qaffasinnerusumut nuunnikkut akissarsiat qaffariarnerisigut atorunnaassapput.

## Kapitali 16

*Akissarsiassanik qularnaveeqqusiusineq*

**§ 57.** Tjenestemandit akissarsiassatik taarsigassarsisitsisarfinnun Naalakkersuisut kattuffissuillu isumaqatigiissutaatigut taamaattussatut akuerisanut qularnaveeqqusiusinnaavaat, malittarisat Naalakkersuisiunit aalajangersarneqartut malillugit.  
*Imm. 2.* Pisut imm. 1-imni taaneqartut eqqaassanngikkaanni, tjenestemandit akissarsiassatik suli tunniunneqanngitsut qularnaveeqqusiusinnaanngilaat allatulluunniit iliorlutik atorsinnaanagit.

## Kapitali 17

*Immikkut ittumik sulinngiffegarneq il.il.*

**§ 58.** Atorfinititsinermi oqartussaasup tjenestemandi tunaartarisassat Naalakkersuisunit aalajangersarneqartut malillugit piffissami siumoortumik aalajangersagaasumi sivikinnerpaamik qaammammik ataatsimik sivisussusilimmi akissarsiaqartinnagu sulinngiffegartissinnaavaa. Piffissaq taanna piffissap akissarsiaqarfiusup naatsorsorneqarnerani ilanngaatigineqassaaq.  
*Imm. 2.* Tjenestemandi sulinngiffegarnerpiaap (feriarnerpiaap) avataatigut sulinngiffegarnissaminut

tunaartarisassat Naalakkersuisunit aalajangersarneqartut malillugit akuerineqarsinnaavoq.

*Imm. 3. Tjenestemandip piffissani aalajangersimasumik sivisussusilimmi imaluunniit killiligaanngikkallartumi tamatumunnga naapertuutumik akissarsiamigut appaallalluni sivikinnerusumik sulisarnissaminik qinnuteqaataa sulinerup ajunngitsumik ingerlanneqarneranut akornutaanngippat atorfinititsinermi oqartussaasup akuersinnaavaa.*

*Imm. 4. Imm. 2 malillugu sulinngiffeqarnermi imaluunniit sivikinnerusumik sulisarnermi akissarsiat tamakkiisumik ilaannakortumillulunniit pigiinnarneqarnissaat piffissalu akissarsiaqarfiusup naatsorsorneqarnerata allanngunnginnissaa pillugu aalajangersakkat Aningaasarsiaqartitsineq pillugu Siunnersuisoqatigiit oqaaseqaateqartinneqareernerisigut Naalakkersuisut aalajangersassavaat.*

*Imm. 5. Tjenestemandit siunertanut erseqqinnerusumik nassuiarneqarsimasunut akissarsiaqarnatik sulinngiffeqartitaanerat pillugu malittarisassat Aningaasarsiaqartitsineq pillugu Siunnersuisoqatigiit oqaaseqaateqartinneqareernerisigut Naalakkersuisut aalajangersarsinnaavaat.*

**§ 59.** Tjenestemandip ilassutaasumik ilinniagaqarnissaq siunertaralugu akissarsiaqarluni sulinngiffeqarnissaat atorfinititsinermi oqartussaasup tunaartarisassat Naalakkersuisunit aalajangersarneqartut malillugit akuersissutigisinnaavaa. Sulinngiffeqarneq taanna piffissap akissarsiaqarfiusup ukiullu soraarnerussutisiaqalersitsissutaasussat naatsorsorneqarneranni annaasaqaataanngitsumik akuersissutigineqartassaaq.

*Imm. 2. Ilinniarnermut atorfinititsinermi oqartussaasup akiligaanut tjenestemandip ilinniarnermi naammassinerata kingorna piffissami aalajangersimasumi suliffimiiginnarnissa siumoortumik pisussaaffigissagaa, kiisalu pisussaaffik taanna eqqortinnejqanngippat ilinniarnerup nalaani akissarsiat ilinniarnermullu aningaasartuutaasinnaasut allat tamakkiisumik ilaannakortumilluunniit utertillugit akilerneqarnissaat sinakkusiussat § 47 tunngavigalugu isumaqatigiissutikkut aalajangersarneqartut iluanni Naalakkersuisut piumasaqaatinngortissinnaavaat.*

## Kapitali 18

*Atortuulersitsinermi ikaarsaariarnermilu aalajangersakkat*

**§ 60.** Inatsisartut inatsisaat manna ulloq 1. januar 2004 atuutilerpoq.

**§ 61.** Inatsisartut inatsisaata matuma atuutilerneronut peqatigitillugu Kalaallit Nunaanni Namminersornerullutik Oqartussani kommuninilu tjenestemandit pillugit inatsisartut inatsisaat nr. 5, 14. maj 1990-imeersoq atorunnaarsinnejqarpooq.

**§ 62.** Kalaallit Nunaanni Namminersornerullutik Oqartussani kommuninilu tjenestemandit inatsisip matuma atuutilinnginnerani atorfinitinsinneqarsimasut eqqarsaatigalugit pisinnaatitaaffit pisussaaffillu inatsisikkut imaluunniit inatsit, isumaqatigiissut il.il. 31. december 2003-mi atuuttoq tunngavigalugu taakku pissarsiarisimassaat atuutiinnassapput.

*Imm. 2. Taamaattorli imm. 1-mi aalajangersakkami akissarsianit siumoorluni tigusisinnaatitaaneq ilaatinnejqangilaq, tak. Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaanni nr. 5-imi 14. maj 1990-imeersumi § 58.*

**§ 63. Suliassaqarfinni Inatsisartut inatsisaat manna malillugu malittarisassanik erseqqinnerusunik  
aalajangersaaviusussani isumaqatigiissuteqarfiusussaniluunniit malittarisassat siusinnerusukkut inatsisit  
tunngavigalugit aalajangersarneqarsimasut aalajangersakkanit nutaanit taarserneqarnissamik tungaanut  
atuutissapput.**

Namminersornerullutik Oqartussat, ulloq 18. december 2003

Hans Enoksen

/

Kaj Kleist

**Namminersorlutik Oqartussat**  
Imaneq 4  
3900 Nuuk  
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut